

種樹書卷之上

唐 郭橐駝 著

明 周履靖 校

正月

九焦在辰 天火在子 地火在巳

元旦鷄鳴以火把照桑果無蟲

辰日將斧斑駁斫樹則結子不落

此月栽樹爲上時

以輓石放李樹岐枝多結實

凡栽果上半月栽者多子南風火日不可栽
下茄瓜天羅子蕙苾諸般花子

籬楊柳木香長春佛見笑薔薇石榴梔子

種松桑榆柳棗葱葵韭麻椒牛蒡子竹宜初二
日

雜樹木宜上旬

木綿花苦蕒山藥冬瓜宜三十日

接諸般花果樹

移諸般花果樹已上凡種時並忌南風火

攏瓜地

移桑樹高樹白桑宜山岡地上墻邊籬畔種之
五月收桑椹以水淘取子畧晒成畦種之至
冬間燒去稍明年分開再種一年後可移若
是矮短青桑宜水鄉田土水畔種之正二月
用木鈎攀枝地上以土壓之明年正月便可
截斷移種每年兩次用糞或蠶沙添肥土澆
壅常鋤去草根動浮根樹下宜種菜蔬依時
修治則葉茂

修桑樹削去枯枝去樹低下小者死枝條開根
用糞土泥培壅與十二月同此月上旬不修
理則葉生遲而薄

種葦取爛穀木截斷埋於陰地用草蓋常以米
泔沃之則生宜用丁開日采木

鋤耘麥過此月則失時

秧芋用已熟過糞灰密排候生芽

栽葱韭薤去鬚曬乾疎行密排用鷄糞蓋

修果木去低小亂枝條勿令分力

二月

九焦在丑 天火在卯 地火在午

此月雨中埋諸般樹條則活

下麻子山藥

簕芙蓉石榴木槿

種槐茶薤木瓜桐樹決明百合胡麻黃精竹茄
瓜莧枸杞萱草蒼朮鳳仙芭蕉地栗蒿茺茨
菰雜菜芋宜雨後

葫蘆黃瓜藏瓜茄冬瓜宜清明日中每日以少

糞水澆

分菊宜清明

夏蘿蔔菰菜烏頭豌豆甘蔗菜萸宜社前

玉簪石菊山丹

接桃李梅棗柑橘桑柿

移諸般花果已上忌南風火日

蒿苳苦蕒生菜

舒葡萄上架

解樹上裹縛

種椒候椒十分熟揀大者陰乾收子不要手捻包裹地內來年此月初種或當時種濕潤肥地內以破薦蓋上用泥宜常潤候生出土去薦做棚逐株分開次年移種用瓦屑麻餅糞灰欹斜種之三年後換嫩條方結實蛇來吃椒宜種香白芷或以髮纏樹根種生菜亦得種茶宜斜坡陰地埝水處用糠與焦土種每一園用六七十粒土厚一寸出時不要耘草旱用米泔澆常以尿糞水或蠶沙壅之三年後

可採藥

壓桑條濕土壓條爛燥土壓易生根

月內三卯有則宜豆無則宜早禾

三月

九焦在戌 天火在午 地火在未

種菜豆早豆山藥黃瓜早芝蔴匏瓠葫蘆梔子

地黃藍青絲瓜

甜瓜用鹽水澆子以鹵水拌和澆壅

扁豆宜清明

芋宜近水

紫蘇在瓜畦上可遮日得兩利

黃獨芋薺木綿麻子菱

移椒茄秧芍藥百合剪金茭白枸杞苗

蒲宜上旬雨中

梔子帶花移則活梅雨中宜籤

接梅杏

下江豆穀雨前後種六月收子便種八月再生
又收一次

收薺菜花

月內三卯有則宜豆無則宜麥禾

四月

九焦在未 天火在酉 地火在申

此月伐木不蛀

下芝麻

種夏蘿蔔松菜椒松大豆紫蘇晚黃瓜葵蓮菜

豆白莧

枇杷忌糞

荷根宜立夏前三日

麻宜夏至前十日

蠶梔子茶蘼木香

收蘿蔔子蠶豆苾子

五月

九焦在卯 天火在子 地火在酉

下夏耘菜

種晚大豆菖蒲晚紅花香菜桃杏梅核

移竹宜十三日竹醉日

斬桑採後卽斬不可過夏至節過則脂漿已上
根無力忌西南風

收菜子大蒜紅花槐花小蓼木綿藍青蒼耳櫻
栗蘿蔔子

苧葉治刀傷

收蠶種揀簇上硬繭尖細紫小者是椎圓慢厚
大者是雌收同時出者卯時放對未時摘放
子如環如堆者不可留毋蛾在上覆子者三
五日則氣足方用桑皮穿掛涼處忌麻苧線

掛烟薰日炙之若收種不仔細徒費力養蠶
浸蠶種以蒲艾柳井水畧浸去尿收掛
月內三卯有則宜大小豆無則種早豆

六月

九焦在子 天火在卯 地火在戌

種小蒜冬葱胡蘿蔔

早蘿蔔宜初六日

晚越瓜收子便種宜糟

蘿蔔宜立夏日

油麻宜上旬

夏耘菜上旬種中旬食

赤豆蒙豆立秋前十日宜麻地上種太早不生
不蛀則宜豆忌卯日

收椒紫蘇

斫苧

麻於節卽斫宜薄束小漚宜青生熟合宜帶骨
一斤可取皮四兩

澆甘蔗柑橙橘

鋤竹園地芋地

七月

九焦在酉 天火在午 地火在亥

種小蒜葱蒿菜蘿蔔赤豆薑薑黃菁早菜蕎麥胡
蘿蔔茼蒿

菠菜宜月末下旬

芥菜宜立秋前

收藏椒紫蘇瓜種芙蓉菜

八月

九焦在午 天火在酉 地火在子

種大蒜櫻栗寒豆生菜苦蕒苧麻諸般菜苾子
大麥牡丹芍藥韭子芥子麗春紅花

椒秋分前後數日

諸色菜子分作兩三次種與蘿蔔同

移早梅木樨橙橘枇杷木香牡丹

分牡丹芍藥根并諸色花窠

鋤竹園地

九月

九焦在寅 天火在子 地火在丑

種椒茱萸地黃蠶豆柿蒜芥菜藏菜矮黃

移山茶臘梅雜果木

收藏冬瓜子茄種茄子枸杞槐子菊花栗子芝
麻

十月

九焦在亥 天火在卯 地火在寅

種大小豆春菜生菜蘿蔔諸色菜

接花果